



A FERBONTU
NANGA SAN
BEN DENKI



“So Moses kon , dan a taigi a pipel ala den wortu fu Masra nanga ala den strafu. Dan ala a folku piki nanga wan sten, den taki,” Ala den wortu di Masra taki ,wi sa du.” Eks. 24:3

Baka di nanga furu babari den Tin Kebot ben brotyas ., owktu gi Moses wantu kebot leki fundamenti, Gado ben wani fu meki wan ferbontu nanga Israel.

A ferbontu ben makriki : Mi sa de yu Gado, Mi sa kibri yu, owktu mi sa blesi yu;yu musu hori mi kebot.

Baka di a ferbontu skrifi, tapu wan lolo, ala tu sei ben musu agri. A folku agri. Den agri , den taki wi sa hori en. Fa Gado agri ? Nanga brudu : nanga fesa; owktu nanga wan fasi di ben sa yepi den fu ferstan a ferbontu.



A Ferbontu:

-  A Brudu fu a ferbontu (Eks. 24:1-6,8)
-  Fa fu meki a ferbontu wroko bun(Eks. 24:7)
-  A Nyan fu a ferbontu (Eks. 24:9-18)



A Mode:

-  Fu sainde a Model(Eks. 25:1-9)
-  A Sreka fu a Model (Eks. 31: 1-18)



A FERBONTU



"WHAT GOD SAYS WE WILL DO"
A BOSTON BLADE GRAPHIC

A BRUDU FU A FERBONTU

“Moses teki a brudu, panya en nanga en finga tapu a pipel, dan a taki ” Disi na a brudu fu a ferbontu di Masra Gado meki nanga yu, leki ala den wortu disi di skrifi.” (Eks. 24:8)

Fa a ferbontu ben meki?

1. A ferbontu ben leisi (Eks. 24: 3a)
2. A pipel ben agri (Eks. 24: 3b)
3. A ben de ini skrifi (Eks. 24:4a)
4. Wan altari ben meki (Eks. 24 : 4b)
5. 12 postu ben poti tnapu (Eks. 24 4c)
6. Bron ofrandi ben de.(Eks. 24:5)
7. Afu fu a brudu ben panya nanga finga na a altari (Eks. 24:6)
8. A ferbontu ben leisi baka. (Eks. 24: 7a)
9. A pipel agri agen (Eks. 24: 7b)
10. A tra afu fu a brudu ben panya nanga finga tapu a pipel (Eks. 24:8a)
11. Moses kari en “ a brudu fu a ferbontu “(Eks. 24 : 8b; Mat.26:28)
12. A nyan ben sori dati den agri nanga a ferbontu.(Eks. 24 : 9-11)



Gado si Israel leki wan folku (12 lo) . Spesrutu a ben si gudu ini den yonkwan ; dan a poti ensrefi na ala wan fu wan (a panya a brudu nanga en finga na den tapu).

Gado wani wan libi makandra nanga wi wisrefi , owktu nanga a heri kon makandra fu bribriwan.

FA FU MEKI A FERBONTU WROKO BUN


"Dan a teki a buku fu a ferbontu, a leisi en gi a pipel. Den piki taki," Wi sa du alasani san Masra taki. Wi sa arki e'n du." (Eks. 24:7)



Nanga ala seriusu, a pipel teki na den tapu , fu hori a ferbontu. Ma dati no tan langa.(Eks. 32: 8).

Den pikin na den baka, owktu teki na den tapu fu hori a ferbontu (Yos. 24: 18b) Ma Yoswa warskow den krin : “ Yu no sa man fu dini Masra" (Yos. 24: 19).

San e hori we fu du Gado wani , ala di wi wani du bun?



So wi tan kba, wi yesi tranga.(Roma 7:18) , so wi no man du no wan sani fu kenki dati (Roma 7:24).




Ma efu wi gi En pasi, Gado kan kenki a fasi fu wi. (Esek. 36: 26,27) En e krin e puru. Ai gi, owktu ai set en so dati wi kan arki en. Na en wawan kan meki wi tranga.(2 Kor. 13:10).

A FERBONTU NYAN

"Dan Moses nanga Aron, Nadab nanga Abihu, nanga seibitenti fu den graniwan fu Israel go na loktu;[...] e'n den si Gado, dan den nyan den dringi."
(Eks. 24:9,11b)

Soleki fa wi si ini a eksemple fu Yakop nanga Laban, ini den kontren pe son e opo, a stampu fu wan ferbontu ben abi wan nyan makandra .(Gein. 31:44-54).



Na Sinai, Gado presteri wan “ferbontu nyan” gi 74 sma : Moses, Aron, Nadab, Abihu nanga 70 graniwan, di ben e presenti a folku.(Eks. 24:9-11).

Di Yeises seti a nyun ferbontu, a duen owktu nanga wan nyan makandra nanga den 12 apostel. (Mat. 26:26-28).

Alaleisi te wi e nyan a gran bun, wi e begin baka nanga a ferbontu nanga Gado. Te wi e nyan a brede e'n dringi a win , wi e prisiri nanga a pardon nanga a blesi libi di wi abi ini Yeises.(1 Kor. 11:26).



Ala di tefu kba den no kisi a blesi libi, Nadab, Abihu, nanga Yudas, teki prati ini a “ferbontu nyan”.



A M O D E L

SAINDE A MODEL

"Meki den bow wan santa presi gi mi, dan mi sa libi na den mindri" (Eks. 25:8)

Leki wan dyaranti, dati en sa hori a ferbontu fu en sei, Gado teki a besroiti fu go libi mindri a pipel.


Ma dati Gado ben sa de na den mindri, ben sa tya dede gi den alamala wante wante. (Eks. 33: 20) Datmeki a gi den a kebot fu meki wan santa presi, pe a ben kan sori ensrefi. Dati ben de fu si ini simbo-l, bika Gado no kan de na skin fasi ini wan kerki na grontapu. (Bosk. 17:24).



Moses ben si a model. Owktu a kisi spesrutu enfo fu meki en. Den aksi a pipel fu gi den sani di de fanowdu. (Eks. 25:2-7).

A santapresi nanga a kerki di Salomo meki, ben de wan model fu san ben meki ini Heimel. (Hebrei 8:1,2; ury1 Kownu 8:27,30).

Te den Israelit go ini a santapresi, a go – na wan agersi fasi - na Gado fesi ...teleki a garden ben priti di Yeises dede.



A SREKA FU A MODEL

"Luku mi teki Belsalel, a boi fu Uri, a boi fu Hur, fu a lo fu Yuda. Mi furu en nanga a Yeye fu Gado, nanga koni, nanga ferstan, nanga denki, nanga ala sortu sabi." (Eks. 31:2-3)



Ala di Gado meki Moses si pikin sani di ben musu fu meki a santapresi, A no taigi en ala finfini . Fa den Kerub ben gersi, a kopro beki ,den sani fi den domri ben weri tapu den ede, kar kon ? Drape a Santa Yeye ben kisi okasi fu wroko nanga san a sabiman ben abi fu en srefi.

Fu den fin fin sani disi, a Santa Yeye ben gi spesrutu kado:

- ➡ Besalel, ben de basi fu a heri wroko.(Eks. 31:2)**
- ➡ Aholiaph, ben de en prenspari yepman.(Eks.31:6a)**
- ➡ Trasma di ben yepi ini a wroko.(Eks.31:6b)**

Mindri a meki fu a santapresi ,wan spesrutu memre fu a Sabat ben de.(Eks.31:12-17) San a Sabat abi te make nanga ala den sani disi?

Santalibi na a sroto. Fu kon na a Santa Gado fesi, wi musu de santa, leki en. A Sabat na a marki fu a santalibi dati. (Eks.31:13;Esek.20:12,20).



“ini a meki fu a santapresi leki wan tanpresi fu Gado, Moses ben kisi kebot fu meki alasan so leki a eksempre di a si fu heimel . Gado kari en tapu a bergi, dan a sori en den sani fu heimel. Dan a meki den soleki fa a si den. A Tenti nanga alasan di ben abi te make nanga en, so a meki den.

So na Israel di a ben lostu fu meki En tan presi. A sori krin en moi maniri.[...] Ma a moi maniri fu en , fu den srefi , den noiti ben sa man doro. A kon krin na Sinai ben kan gi den a tranga firi fu den nowtu, nanga a sabi dati den no man yepi den srefi.”